

## 絕句

笛聲三弄入清秋，籠外櫻花水外樓。幾陣才收滴瀝雨，荷塘深處暗香流。

## 江上讀蘇曼殊遺編有感

春愁片片雨絲絲，正是蘆芽欲茁時。何處香風飄絳葉，依人和淚索題詩？  
緇衣江上最難禁，偷對東風拭淚痕。幾度垂垂花絮老，漫回頭處日黃昏。

## 舊京寓中作

微雨東風燕子斜，悄無人處掩窗紗。多情別有傷心在，忍向樓頭數落花？

## 花香少處

今午倦甚，倚枕小睡。悠悠入一花園，綠葉紛披，疏籬橫斜，狀似九秋